

DISSERTATIO MEDICA
INAUGURALIS,

D E

Parca et simplici Medicina,

Q U A M,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,

ACADEMIAE EDINBURGENAE PRAEFECTI,

NEC NON

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

THOMAS CLAYTON, VIRGINIENSIS.

*Homo naturae minister et interpretes, tantum facit et intelligit, quantum
de ordine naturae, opere vel mente observaverit.* BACON.

Medicos plus interdum quiete, quam movendo atque augendo perficere.
TIT. LIV.

Ad diem 19 Maii, hora quarta post meridiem.

E D I N B U R G I:

Apud HAMILTON, BALFOUR, & NEILL,

ACADEMIAE TYPOGRAPHOS.

M,DCC,LVIII.



Digitized by the Internet Archive
in 2019 with funding from
Wellcome Library

<https://archive.org/details/b3078539x>

JOANNI CLAYTON,

ARMIGERO,

PATRI OPTIMO,

QUI IN STUDIIS RITE INSTITUENDIS,

NULLIS PEPERCIT SUMPTIBUS;

HASCE STUDIORUM PRIMITIAS,

JURE DEBITAS,

D. D. C. Q.

THOMAS CLAYTON.

Pag. 9. lin. 9. *lege moderor*

P. 13. l. 21. *lege tere*

P. 17. l. 23. *lege et fi*

DISSERTATIO MEDICA

INAUGURALIS,

DE

Parca et simplici Medicina, &c.

FUIT quondam tempus, cum in agris passim homines bestiarum more vagabantur, et sibi victu ferino, et quem terra sponte sua tulit, vitam propagabant. Tunc et morbi et morborum nomina vix innotuere; hominibus vero dispersis in societatem vitae convocatis, cito irrepere luxuria et intemperantia. Pristinâ morum et victus simplicitate neglectâ, hinc morborum frequentia, semotique prius tarda necessitas lethi corripuit gradum, inde medicinae utilitas. Quum igitur tot morbis genus humanum quotidie sit obnoxium, quid praestantius, quid utilius hac arte quae homines sanos et facere et servare sola possit? Sed secundum VERULAMIUM, “ medicamento-

“ rum varietas ignorantiae filia est, neque multa

“fercula tam multos fecere morbos, quam multa
 “medicamenta paucas curas*.

Mihi hoc et alia ad eandem rem pertinentia, in operibus ejus, attentius legenti succurrit cogitata quaedam de Medicina parca et simplici, in ordinem digerere tum ad meam, tum ad aliorum forsitan utilitatem, quae hic summa cum reverentia subijciam obsecutus legibus hujus Academiae, quae specimen quoddam ingenii ab omnibus honores medicinae ambientibus jure postulat. Multa habemus volumina de arte sanitatis tuendae conscripta. Multi et Medici et Philosophi sese in hoc campo exercuerunt; et tamen, quod notatu dignum est, qui ad summam pervenerunt senectutem et optima usi sunt valetudine, hi nulla alia tenebant precepta nisi quae natura unicuique dedit, et quae infimae etiam fortis hominibus semper patent. Quod HIPPOCRATES † paucis eleganter comprehendit verbis: “Sanitatis tuendae studium est comesse ad frugalitatem, et sedulo laborare.” Neque haec praecepta etsi bina tantum, nec ulla quidem ad tuendam sanitatem necessaria esse voluit CELSUS: “Sanus, ait,
 “homo

* Vid. Verulam. hist. mort. et vitae.

† Hippoc. Epid. l. 6. §. 4.

“ homo qui et bene valet et suae spontis est, nullis
“ se debet obligare legibus, ac neque medico ne-
“ que iatrolipta eget : hunc oportet varium ha-
“ bere vitae genus ; modo ruri esse, modo in
“ urbe†, &c.” Nempe ut soluti legibus vario
hujusmodi vivendi genere homines assueti sint
vicissitudinibus illis quibus officia vitae necessario
illos exponunt, et quae infuetis tantum molesta
sunt. Ex auctoritate igitur talium virorum facile
dixerim, bene valentibus non opus est medico, et
certius adhuc non opus est medicamentis, in quod
etiam apprime collimat nunquam satis laudati
VERULAMII consilium, quod iis dedit qui nun-
quam non timidi omnem salutis spem in medica-
mentis ponunt ; “ Medicationi si nimium assues-
“ cas, detrahit de viribus et efficacia ejus quando
“ morbus advenerit.‡” Vel ut eleganter admodum
dixerit CELSUS, “ Cavendum ne in secunda va-
“ letudine adversae praesidia consumantur.”

Medicamenta igitur non modo sanis non prosunt,
sed etiam in morbis aliquando obsunt, et saepissimè
nequaquam necessaria sunt ; semper pro axioma-
medico

† Vid. Cels. lib. I. cap. I.

‡ Vid. Verul. sermon. fidel.

medico habitum est, Naturam morborum medicatricem esse. Et ex ipsa quidem ratione patet, corporis humani fabricam, ab admirando ejus artifice, ita esse constructam, ut non tantum suis quodammodo erroribus resistere, sed etiam labem inductam utcunque corrigere possit. In alimentis discernendis, provida Natura nobis sensum olfaciendi concessit, ut, scilicet, quae conveniunt, vel quae nobis nocent, dignoscamus; et hinc fit, quod saepius ignotas alimentorum qualitates exploramus, ne temerè, summo cum periculo, vitae noxia devoremus. Porro, lingua propriis organis sive nervis instruitur, per quos victum salubrem et nutrientem, a pravis et ingratis ferculis, distinguimus, ne indifferenter cibaria quaevis assumeremus, et venenum saepius, loco alimenti, ad nostrum interitum, ingereremus. Ventriculus ita constituitur, ut plerumque evomat et ejiciat quodcunque nocere potest. Intestina materiam acrem, in cavitates suas decidentem, amovere semper parata sunt. Si quid demum corpori inimicum in vasa sanguinea recipitur, multae adhuc restant viae per quas expelli possit, scilicet, per renes, cutem, &c. quod si non fieret, statim febris inducitur, quâ omnia corporis vasa excretoria aperiuntur, et secretiones magnoperè

magnoperè augentur, quibus materia peccans, quâdam viâ in hanc rem paratâ, facilius eliminari possit. Simile quiddam accidit a materia quavis irritante, quoties ab ea corporis tegumenta penetrentur : statim enim oritur inflammatio, et deinceps sequitur partis suppuratio, ad causam irritantem expellendam. Vulnerum sanatio, calli ad ossa fracta generatio, omniaque quae ad curationem horum efficiendam tendunt, a Natura sola provenire jam inveniuntur.

Haec vis quae in oeconomia animali adeo latè patet, a Medicis vocatur *Natura* ; et praecipua causa habenda est, quae curationem in multis malis, praesertim febrilibus, producit. Nihil itaque arte agendum esse, invitâ Naturâ ; nihil a Medico tentandum esse quod operationibus ejus repugnet : hocque ex clarissimorum Medicorum, tum antiquorum tum recentiorum experienciâ et usu, plenius illustrare conabor.

HIPPOCRATES, qui meritò medicinae Parens habetur, semper, Naturâ duce, progressus est, et huic, in morbis acutis curandis, primas semper detulit partes, operam suam solùm impendens, conatibus

tibus ejus vel cohibendis vel regendis vel adjuvandis. Sic, inter primas indicationes, symptomata mitigare, et, adjuvante Naturâ, materiam febrilem causam morbi, post debitam concoctionem, expellere nitebatur. Ad febris vehementiam coercendam, ideo sanguinem emitti et potiones diluentes initio dari jussit; quia febrem tantum coercendo, materiam morbosam concoctam esse, expertus fuerat: vel hoc clysmatibus effecit, cujus multa in epidemiorum libris exempla supersunt. Nimis magnam etiam symptomatum vim lenire studuit diligenter incumbendo in victus regimen, quem semper, pro aegrorum conditionibus, variavit, sollicitus ne inopia convenientis cibi aegroti sub morbo labascerent, vel nimia copia febris incresceret. Haec sub initiis fecit, per decursum Naturae ipsi, nisi deficienti et opera poscenti morbum reliquit; per morborum initia, si quid videtur movendum, moveto; cum verò vigent, praestat quiescere*. Quandocunque verò morbus, alvi dejectione, urina, vel alia quavis evacuatione, ad finem vergebat, tales evacuationes semper promovere conatus est; quae enim ducere oportet quo Natura maximè vergit, eo ducito per loca convenientia. Haec igitur,

fi

* Vid. Aph. 29. 1. 2.

fi ad ventriculum repunt, per vomitum educere debet; cùm verò vergunt ad inferiora, per inferiorem excretionem *. Auctoris hujus scripta pervolventi patebit, hoc eum praesertim spectâsse, ne morbus post remissionem reverteretur; ut enim ille putabat, duobus modis terminantur morbi febriles, scilicet, vel resolutione vel simplici concoctione: imo, Quando materia febrilis, vel insanum humorum statum mutatur, vel insensibili quadam evacuatione eliminatur. 2do, Ubi materies morbosa critica evacuatione ejicitur, quae crisis tamen est vel perfecta vel imperfecta, scilicet, ubi materia vel prorsus vel partim amovetur; unica pars igitur materiae morbosae retenta est, morbum renovandi causâ: sic, ut ipse ait HIPPOCRATES, quae per morbos post judicationem intus relinquuntur †, morborum reversiones facere consueverunt. Jam vidimus quomodo HIPPOCRATES, in morbis acutis tractandis, Natura viam praemonstrante, sese gesserit; et quod inde non tantum paucis, verum etiam simplicissimis remediis contentus fuit. In febribus quippe, aqua, melle, et aceto solis ferè usus est; atque proinde tantam laudem

* Vid. Aph. 21. l. 1.

† Vid. Aph. 12. l. 2.

laudem et apud antiquos et recentiores merito affectus est. Haecenus dicta de methodo Hippocratica sufficiant; qui penitus eam cognoscere velit, is fontem ipsum adeat, fastidire lacus et rivus ausus apertos.

Ad celeberrimum SYDENHAMUM, discipulum ejus, nunc convertamus, qui, tanta est ingeniorum magnorum similitudo, magistri vestigiis perpetuo instituisse visus est; a natura certe, quam iisdem oculis videbat quibus HIPPOCRATES, omnes curationis indicationes mutuatus est. Sed ipsum breviter audiamus*. “ Vero admodum simile est,
“ quod qui ad naturalia morborum phaenomena
“ oculos animumque accuratissimè maximeque diligenter adverterit, in eliciendis curativis indicationibus veris ac genuinis maxime pollere debeat: huic itaque me methodo totum tradidi,
“ satis securus quod si naturam sequerer ducem,
“ etiam avia terrarum peragrans loca nullius antea trita solo, nusquam vel latum unguem a recto
“ tramite discederem. In morbis acutis totam
“ operam dedit, vel ut deficienti naturae succurreret, vel effraenem coerceret et in ordinem
“ redigeret.”

* Vid. Syd. p. 6.

“redigeret.” In sanguinis detractiōe per initium febris, nihil aliud spectabat quam ut violentiores naturae commotiones cohibere posset: “Mihi solenne est, ait, eam duntaxat sanguinis quantitatem detrahere, quantum conjicere liceat, quae aegrum ab incommodis, quibus immodicam cujusdam commotionem obnoxiam esse diximus, incolumem praestet. Deinceps vero rego ac moderior phlebotomiam, prout motum illum, vel efferari, vel languescere animadverto.*” Ob eandem causam, clysmata etiam et potum cibumque refrigerantem et relaxantem adhibuit, ut febris nempe intra certos fines consisteret. In regulis denique quas de his et aliis rebus praescripsit, praese ducem semper habuit HIPPOCRATEM; medicamenta purgantia commendabat eadem ratione motus qua HIPPOCRATES, ut naturae scilicet succurreret, partem materiae morbosae quae eam opprimebat evacuando. Naturae operationibus modo salutaribus, et ad curationem tendentibus, raro vel nunquam se immiscuit, “Natura enim,” ut verbis ejus utar, †“sibi commissa, negotium suum suo tempore exsequitur, debitoque ordine materiam, ac

B

“via

* Vid. eundem p. 54.

† Vid. Syden. p. 145.

“ via tum fecernit, tum etiam expellit, ut nostra
“ ope nostris artificiis, atque auxiliis, non indi-
“ geat.” Haecenus comparisonem, inter HIPPO-
CRATEM et SYDENHAMUM, qui convenientem
naturae artem suam exercebant, de methodo trac-
tandi mala febrilia instituimus, ut inde appareret,
quod initio diximus, naturam esse praecipuam cu-
rationis causam, et morborum medicatricem;
“ medicus enim, naturae minister et interpretes,
“ quicquid meditetur ut faciat, si naturae non ob-
“ temperat, natura non imperat. Origines namque
“ et causae morborum longè abstractiores sunt,
“ quam ut humanae mentis acies eo usque pene-
“ trare possit, saepiusque natura novum opus ex-
“ orditur, quando conatus nostri desiere.” Haec
BAGLIVIVS*. Multos alios auctores, haud medi-
ocri fama, qui doctrinam Hippocraticam amplexi
sunt, adducere possim, ni supervacuum esset jam
dicta dicere; et nemo dubitare potest quin illi,
vel praestiterint vel defecerint, qui hanc metho-
dum vel aemulati sunt vel repudiarunt.

Si igitur sub talium ducum vexillis militare veli-
mus, medicamenta parce et caute adhibenda sunt,
praesertim

* Vid. Bag. l. 1. c. 1.

praesertim cum reputemus quam incerta sit ars nostra, tum quoad morbos, tum quoad medicamentorum effectus, seduloque cavendum est, si nihil boni, ne aliquid saltem a praescriptis nostris sit periculi. Est nostrum quidem remedia administrare, est vero naturae ea rata efficere. Medicamenta porro parce et caute adhibenda sunt ob incertas ipsorum vires medicatas. Habemus quidem libros bene multos de viribus medicamentorum conscriptos, quibus tamen parum fidere possumus. Nec mirum, cum pro medicis expertis et longo usu confirmatis, juniores et artis medicae adhuc rudes saepius de hac re scripserint, qui virtutes hasce, quarum notitiam è suis observationibus et propria experientia haurire non potuere, nobis obtruserunt, aliorum aequè imperitorum somnia compilando, et sic remediorum proprietates nulla certa fide et parum accurate nobis traditae sunt. In libris porro eorum qui res varias ex variis autoribus nullo ferè judicio excerpserunt, continentur fabulae vel de industria vel ignorantia compositae, quae medicos in usu medicamentorum saepissimè fefellerunt. Duobus denique modis medicamentorum virtutes nobis explicantur, vel ut pro certis indicationibus adhibenda sunt, vel ut huic vel illi malo

malo inserviunt. Prima methodus utpote nimis generalis saepe fallit, ex gr. remedium si cephalicum audit, id omnibus morbis capitis, etsi a magna causarum varietate orientibus, conveniat necesse est. Idem dici potest de pectoralibus remediis, etsi medicamenta qualitatum diversarum, longeque inter se distantium, sub hoc nomine generali saepe comprehendantur. Altera methodus melior est, quâ ad morborum historiam propellimur; sed haec etiam fallit, nisi species morbi, quod raro fit, accurate definita sit, et simul tempus morbi in quo aptissimè adhiberi possit indicetur. Multi auctores nobis quidem tradiderunt remediorum virias quasi experimentis innixas et confirmatas, sed experientiae saepius fallaci vix fides habenda; nam de medicamentorum, quae promiscue per varias morbi vicissitudines exhibentur, viribus et effectu multo incertiores sumus quam dudum. Cum HIPPOCRATES observat “fallacem esse experientiam, iudicium
 “vero difficile;” GALENUS in suo in hunc aphorismum commentario addit, “Difficilis haec res est,
 “et inventu rara, cum post multa remedia aegrotanti exhibita, quodnam ex iis in causa fuisse dicata, ut melius pejusve habeat aeger †.” Porro
 non

† Vid. Gal. com. Aph. 1. Hip.

non solum medicamentorum varietas, sed praescribendi modus nos decipit. “Dubia enim evadunt
“experimenta therapeutica per magnas composi-
“tiones adornata, non tantum quod harum offic-
“narium aequae ac magistrariorum dictarum, mag-
“mata ex ejusmodi aliquando simplicibus conge-
“rantur, quorum pauciora forsitan scopum feriant,
“quinimo unum horum alterius, primarii etiam
“visi, virtutem obtundat, castret ac destinat.
“Sicque confusaneorum ejusmodi mixturarum et
“longarum formularum usus impedimento ex-
“istat, vires simplicium medicamentosas accurati-
“us disquirendi ac dignoscendi*.” In experimentis
porro faciendis, id quod statim diximus, non so-
lum sedulo cavendum est, sed etiam ne quod opus
est naturae, id medicamenti ullius viribus temere
tribuamus. Ut res in exemplo lucem accipiat, a
concretione in ductu communi quendam ictero la-
borantem fingamus. Si ductu se gradatim dilatante
causa obstruens in duodenum transiret, eo fore
tempore quo medicamentum aliquod temere pre-
scriberetur; a quibusdam parum cautis et nimi-
um securis medicamentum hocce in morbo illo cu-
rando quasi peculiare, ad coelum usque laudibus
ferretur.

* Vid. Bohn. de exp. fall. 658.

ferretur. Idem pronunciandum esse puto de picis liquidæ aqua, nuper adeo celebrata, et de medicamentis aliis laudatis quæ omnium morborum remedia fore frustra promittunt. Quam minime catholicis hisce fidendum sit, satis testatur experientia sola veritatis indagatrix.

Porro non solum experimenta fallacia, sed opinionum commenta quæ variis temporibus apud medicos recepta sunt, ad materiæ medicæ scientiam turbandam maximè valuerunt. Post enim commenta deleta vires medicamentorum ab iis deductæ sæpe retentæ sunt; et rursus viribus quondam receptis cum opinionibus quæ illas induxerant rejectis in contraria trahuntur medici, adeo ut pro contrariis omnino indicationibus, idem medicamentum sæpe exhibeatur. Exemplo res fiet clarior. Olim putabatur fales alkalinos volatiles utpote a putredine productos ad putredinem inducendam multum valere, et medici in morbis putridis curandis fales illos cane et angue peiores fugiebant. Hodie vero fales illos putredinem arcere experimentis satis accuratis constat, et reverà jam in morbis putridis pro remedio antisceptico a quibusdam adhibentur.

hibentur. Conferantur de hac re scripta celeberrimorum virorum HUXHAMI et PRINGLE.

Ut tandem finem faciam, observare licet omnes fere medicos jam de medicina parca serio cogitasse. Materiam medicam, olim maxime luxuriantem, intra limites arctiores coercere et ad pauciora redigere, per centum annos mox elapsos conati sunt medici fere omnes, ut ex Pharmacopoeiis eorum videre licet. Sed in hac re, collegio medicorum Londinensium maxima debetur laus, quod ex catalogo simplicium noxia rejecerunt, inertia et incerta omittere, atque superflua resecare ubique curabant, adeo ut jam eorum quae retinentur numerus ad prioris catalogi dimidium fortè redactus sit.

Haëtenus de medicina parca diximus, jam de medicina simplici quaedam dicenda sunt. Medicinae simplicitas vel compositionem vel praeparationem spectat. Quoad primum, eam summe necessariam esse multis argumentis ostendere haud opus est, cum medici celebres tam multi eodem tempore quo catalogum simplicium minuere, simul medicamenta composita magis magisque simplicia reddere, omni
ope

ope annifi sint. Primùm forte huic rei utiliffimae operam dedit Colleg. Reg. Med. Edin. et in omnibus Pharmacopoeiae suae editionibus, rejectis incongruis et supervacaneis, formulas maxime concinnas et simpliciores quam unquam antea fuerunt, exhibere fategit. Tandem idem opus aggressi sunt Collegii Regii Londinensis medici egregii, et formulas compositorum fere omnium ad maximam simplicitatem redegerunt, exceptis tantum uno vel altero quibus antiquitas, et in omni fere aevo summa celebritas venerationem quandam conciliaverat, et integritatem formulae diu illibatam servaverat. Haecce veneratio autem reformationi quam aliàs utique moliti sunt Londinenses parum convenire videtur, et optimo certe jure ipsas illas formulas antiquas et diu veneratas, utpote nimis compositas et incongruas, exulare jufferunt medici Edinenses. “Quaedam denique ut observant, exulant quas
“ invexerat majorum superstitio aut credula facilitas, parcâ admodum antiquitati aut consuetudini
“ inveteratae reverentiâ adhibitâ. Venerandis
“ medicinae patribus constat sua laus : non ea laus
“ compositionis gratiae et elegantiae, sed laboribus majoris momenti debetur*.” Singula Pharmacopoeiarum

* Vid. Phar. Edin. in praefat.

macopoeiarum composita vitiosa hic perstringere dissertationis hujus limites non sinunt, nec opus est, cum auctoribus quos modo nominavimus freti, satis tuto concludere possumus, medicamenta valde composita omnino rejicienda esse, et hanc rem apte satis finire possumus verbis disertis in his rebus viri, Pharmacopoeiae reformatae auctoris, “Simplicitatem
“nempe indicationis, paucitatem partium ingredi-
“entium, elegantiam formae, vim denique totius
“pretium medicamenti solum modo constituere
“posse †.”

Quoad praeparationis simplicitatem notandum, primo, quod natura dedit plantas medicatas plures quae tota substantia sua, ut videtur, agunt, et ne minimam sui partem amittere possunt, quin simul vim medicinalem perdant. Multae sola exsiccatione inertes omnino redduntur. Multarum partes volatiles per decoctionem, et etiam per infusionem tepidam in auras abiguntur. Plures menstruis quibuscunque partes medicatas vix cedunt, plures menstruis innocuis solutae parum valent, etsi a menstruis valentioribus solvantur adeo parce, tamen ut dosis soluti satis magna vix exhibere possint,

C

test,

† Vid. Phar. Pauper. p. 182.

test, quin simul solventis dosi nimis magna et noxia foret. Norunt bene medici practici quam difficile sit corticis Peruviani praeparatum quodvis obtinere, quod aequè cum cortice in substantia votis suis respondeat.

Sed chemia in medicinam introducta, non semper fausto eventu multum in his rebus auxilii spondebat, nec tamen ubique promissis stetit. Per destillationem quidem omnia tractare voluit, sed jam novimus plures plantas destillatione, nihil omnino virium suarum praebere. Quae aliquid revera praebent, hoc in aqua multa diffusum parum adeo valet, ut nunc aquas destillatas, paucissimis forte exceptis, non nisi pro vehiculis, ut vocant, gratis forte et innocuis adhibent medici. Olea quidem destillata magis concentrata sunt, sed semper essentialia, i. e. vires plantarum integras possidentia, nequaquam deprehenduntur, et cum revera essentialia forent, ob empyreuma sub destillatione vix evitandum, saepe aromatibus ipsis integris multo minus grata evadunt. Et utcunque parantur, plerumque adeo acres sunt, ut non nisi summa cautela adhiberi possunt. Neque in fixis plantarum partibus extrahendis multo feliciores fuerunt Chimi-

mici.

mici. Labores illi taedii plenissimi qui salibus plantarum essentialibus obtinendis impendi solent, jam fere inutiles videntur et prorsus negliguntur. Frustra etiam laborabant philosophi illi per ignem, in incineratione variarum plantarum, cum unum idemque sal fixum ex omnibus eliciatur, et tum purius et usibus medicinae aptius ex tartaro quam ex quavis planta obtineri possit. Denique in extractis plantarum parandis non semper ritè collocatur Chemicorum opera; nam vel dissipantur partes volatiles, vel quod fixum est in magma densum, aqua et nostris humoribus vix iterum solubile, cogitur. Ad tam parvum denique redeunt de vegetabilibus promissa Chemicorum, ut pauca ex vegetabilibus jam parantur medicamenta grata, commoda vel efficacia nisi per infusionem simplicem, quam dudum bene noverant Galenici omnes.

Sed ipsi Chemicis medicamentis ex vegetabilibus parum freti, mineralia et metallica praesertim respexerunt, et ex unaquaque fere nihil minus quam panacaeam elicere sponderunt. Parum vero tanta jactatione dignum effecerunt, et immensa praeparatorum metallicorum copia quam nobis obtrudere volebant, nunc unanimi medicorum fere omnium

omnium consensu multum imminuta est. Horum multa prorsus inertia inveniuntur, plurá adhuc venenosa, adeo ut non sine summo periculo propinari possunt. Rejectis ideo plerisque, non nisi pauca ex hydrargyro scilicet, antimonio et ferro parato, jam in usu veniunt. Sed haec ut medicamenta evadant, parum omnino Chemici laboris requirunt. Hydrargyrus crudus, ut dicitur, melle vel viscido alio quovis tritus, medicamentum, ni fallor, aequè efficax, et magis tutum quam quodvis aliud ejus praeparatum praebet. In antimonio quidem tractando, multum certe desudarunt Chemici; sed, ni fallor, ut plurimum frustra; quaedam enim praeparata ejus multo labore parta, si non prorsus inertia, saltem dubiae omnino virtutis existunt. Quae valentia quodammodo videntur, duorum tantum generum sunt; unum nempe, in quibus pars antimonii regulina a parte sulphurea plus minus separata est, ut ab acido in ventriculo humano fere semper hospitante solvatur, et vires in corpus exerere possit; alterum in quibus eadem et sola medicata pars regulina cum acidis jungatur, antequam in corpus humanum ingeritur. Ex priori genere praeparata cum necessario incerta sint, nunc parum vel saltem lenius agant; non vehementius, et non
fine

sine periculo sese exerunt ; quia vires eorum non tantum pendent a dosi qua ingeruntur, quantum a copia acidi in ventriculo iis affusi, quae semper ignota et incerta est. Hujusmodi igitur praeparata, utpote incerta et periculosa, rejici, et illa alterius generis, utpote pro dosi qua ingeruntur operantia, ubique adhiberi debent : Sed haec omnino pauca sunt. Antimonium enim acido, vitriolico vel nitroso conjunctum, in corpus humanum vix agit, et cum acidis muriatico vel vegetabili tantum combinatum vi medicata pollet. Cum acido muriatico autem conjunctum antimonium, medicamentum summe causticum et externo usui omnino destinandum praebet. Ex numerosis igitur et laboriosis antimonii praeparatis restat forte solum antimonium cum acido vegetabili conjunctum ; quod tutò et certò satis exhiberi potest, et quod facillime per simplicem infusionem paratur ; et jam adsunt medici celeberrimi qui nulli dubitant, quin solum vinum antimoniale omne id quod ullum aliud antimonii praeparatum efficere possit. De ferro denique in eundem finem notare sufficiat, metallum ipsum limatum tantum et exhibitum easdem omnino et omnes simul vires proferre quas quodlibet ex eo arte Chemica paratum proferre solet. Acu-

te igitur jamdudum dixit BOHNIUS, “ Martem
“ five per inebriationem cum aceto, five calcinatio-
“ nem cum sulphure, praeparatum, aut majore in-
“ dustria confectum crocum, recte postponunt pe-
“ ritiores limaturae ferri magis homogeneae et sub-
“ tiliori, utpote quae omnibus indicationibus evi-
“ dentius satisfacit*.”

Sed ut tandem vela contraham, ex dictis spero jam patebit, medicinam plerumque parcam ubique simplicem esse debere. Cum enim natura saepe morbis medetur, haec suis viribus optimè instructa, suis opibus locuples, suo denique ingenio satis edocta, nostra ope, nostris artificiis atque auxiliis parum indiget. Porro, cum medicamentorum vires tam saepe nobis lateant, cum quae de his a scriptoribus traduntur tam saepe falsa, plerumque infida sint, iis certè cautè et parcè omnino utendum est. Cum porro composita saepe fallant, vix unquam simplicioribus praestent; cum denique provida natura medicamenta tuta et efficacia ubique sponte tulerit. Dum ars plerumque spem nostram fefellit, raro multum boni dedit; medicamenta simplicia et naturalia compositis et artificiosis semper praeferenda

* Vid. Boh. de experim. fallac.

praeferenda sunt. Diserte admodum olim monuit
GALENUS : “ Committuntur, inquit, quaedam pec-
“ cata ab ipso aegroto ; quaedam a medicis his ad-
“ mirandis, putantibus, nisi quis introgressus ad
“ aegrum, deinde succingens se, vel cataplasmata
“ imposuerit, vel perfuderit, vel clysterion edi-
“ derit, vel venam inciderit, vel cucurbitulas ad-
“ junxerit, vel confricuerit, vel nutriverit, aut
“ hujusmodi aliud factitaverit, nihil ab ipso ges-
“ tum esse artificiosum: hi enim quoties accedunt
“ ad aegrum, toties peccant*.”

* Vid. Galen. de diebus decretor. lib. 1.

